



Inatsisartuni ilaasortaq
Anthon Frederiksen
/ MAANI

§ 37 naapertorlugu apeqqummut nr. 197-imut Inuit kræftimik eqqorneqarsimasut pillugit alakkatigut akissuteqaat.

13. januar 2015
Sagsnr. 2015-109825
Dok. Nr. 1819395

Inatsisartunut ilaasortaq, Anthon Frederiksen, inuit kræftimik eqqorneqarsimasut aningaasatigut ikiorneqarnissaminnik periarfissaqarnersut pillugu apeqquteqarnernut qujanaq.

Postboks 1160
Tlf: 34 50 00
Fax: 32 55 05
3900 Nuuk
Email: pn@nanoq.gl
www.nanoq.gl

1. Inuit kræftimik eqqorneqarsimasut aningaasatigut ikiorneqarnissaminnik qanoq periarfissaqarpas ?

Peqqinnissaqarfik pillugu inatsisip aallaavittut peqqinnissaqarfiup aningaasaliissutaasut atorneqarnissaannut nappaatinik katsorsaaneremut taamaallaat periarfissippaa, kræftimik katsorsaaneq pineqartillugu.

Ilaqutariinnermut Naligiissitaanermut Isumaginninnermullu Naalakkersuisoqarfiup nalunaarutigaa imaattoq: *“Isumaginninnermut inatsisit malillugit immikkut aningaasatigut ikiorsiissutinik peqanngilaq inunnut kræftimik eqqugaasimasunut. Isumaginninnikkut ikiorsiissutit tunniunneqarsinnaapput, isumaginninnermi inatsisit attuumassutillit eqquutitinneqarsimappata. Innersuutigineqarpoq www.naalakkersuisut.gl - Ilaqutariinnermut Naligiissitaanermut Isumaginninnermullu Naalakkersuisoqarfik”*

2. Ilumut pissusissamisooppaa? Inuit kræftimik imaluunniit nappaammik nunatsinni katsorsarneqarsinnaanngitsumik nappaatillit appaat qanigisaalluunniit Danmarkimi ikorfartueqataanerminni nappasimasup ineerannguani Peqqinnissaqarfimmiit napparsimasumut akilerneqareersimasumut inissisimaqataanerani ullormut 400,- kr-inik akiliuteqartinneqartarnerat ?

Eqqorpoq Peqqinnissaqarfiup akilertarmagu ineqarneq, akissarsiat, aningaasartuutit nerisaqarneq il.il. Kalaallit peqqissartut Illuanut tunngassuteqartut.

Napparsimasunut ingiallorteqarnermi akiligassiisarnermut peqqutaasoq tassaavoq, siniffik saniatigut il.il. suliassaasarmata. Saniatigut eqqiaaneq, errorsineq nerisassiorneq aammalu pequtit aserfallakkiartortarnerat nalinginnaasoq inuit amerlanerugaangata. Aammattaaq ingiallortit arlaqarpata avataani illoqarfimmi akunnittarfimmi inissanik attartortariaqarneq.

Kalaallit Peqqissartut Illuat napparsimasunut ingiallorteqarnermut atatillugu 1,2 mio. koruunit missaani isertitaqartarpoq siniffinnik attartortitsinermi. Naatsorsuutit siusinnerusut takutippaat Kalaallit Peqqissartut Illuanni siniffeqarneq aningaasartuutiviit naleqartut 1.000 koruuninik unnuineq ataatsimut, kiffartuutaassappat sinneqartoorutaanngitsoq.

3.

Taama akiliuteqartinneqartarneq malittarisassanik sunik tunuliaqutaqarpa?

Peqqinnissaqarfiup sullissineri il.il. pillugit Inatsisartut peqqussutaat nr. 15, 6. november 1997-imeersoq kap. 9 tunngavigalugu Peqqinnissaqarfik pisinnaatitaavoq sullissinini akileqqussallugit. Malittarisassat tamanna pillugu ersarissarneqarsimapput Peqqinnissaqarfimmi sullissinerit atuisullu akiliuteqartarnerat pillugit Namminersornerullutik Oqartussat nalunaarutaat nr. 5, 15. februar 2006-imeersumi. Nalunaarutip kap. 4-ni takuneqarsinnaavoq Napparsimasumut ingiaqataasut qanigisaasulluunniit peqqinnissaqarfiup akiligarinngisaanik angalasut, napparsimasup angerlarsimaffiata avataani misissortinnermi katsorsartinnermilu kiffartuussinerit pillugit nalunaarut naapertorlugu, pissutsit naapertorlugit peqqinnissaqarfiup innersuussaani, Peqqissutsimut Pisortaqarfiup akit aalajangersagai naapertorlugit akiliuteqarnikkut nerisaqarnissamut illusimanissamullu neqeroorfigineqarsinnaapput.

Tamanna ima isumaqarpoq, aapparisaq ilaqaasulluunniit qaninnerpaasat Kalaallit Peqqissartut Illuani najugaqarnertik akilissagaat, peqqinnissaqarfiup siumut nalunaarutigisimangippagu akiliunneqassasut. Peqqinnissaqarfik aatsaat akiliussisinnaavoq napparsimasoq tassangaannartumik inuunermik ulorianartorsiorluni Danmarkimut angallanneqarpat. Taamatut pisoqartillugu ingiaqataasooq ataaseq napparsimasumut angalaqataasinnaavoq pissutsit periarfissaqartitsippata. Ingiaqataasup najugaqarnera akilernerqarsinnaavoq napparsimasup ulorianartorsiornerata qaangiunnissaata tungaanut, napparsimanerup nalaani najuunneq tamarmiusooq akilernerqassanani, takuuk Napparsimasup najugaqarfimmi avataani misissorneqarnerani katsorsarneranilu kiffartuussinerit pillugit Namminersornerullutik Oqartussat nalunaarutaat nr. 2, 24. januar 2005-meersoq § 8.

Inussiarnersumik inuulluaqqusillunga



Peqqissutsimut Nunanillu avannarlernik suleqateqarnermut Naalakkersuisooq